

No. 349. 1471. 19. Jan.

Bäckertaxe.

Anno domini 2c. LXXI^o sonnobends nach Priscae virginis hat der rad den beckern gesaczt zu backen dy semeln, vff das loth nemlich, wan der scheffel X ader XI grose gr. geldet, so sal dy semel haben XVI loth. Das ist den beckern geboten vnd beuolen vom radt, dy semel vff XVI loth zubackenn, vnd welch becker befunden wirt, der nit dy semel vff XVI lot becket, der sal dem rathe eynen reinischen gulden vnleslichen zu bus geben, vnd ab er dy bus wegerte zugeben, der sal in des rads gehorsam gehen vnd daraus nit komen, er hab danne dy bus nhemlich ein reinischen gulden dem rath gegeben; dortzu sal im dy selben semeln, dy weniger dan XVI loth haben, genomen vnd in dy spital getragen werden.

Nach einer Abschrift in dem älteren Privilegienbuch fol. 15^b im Rathsarchiv zu Dresden.

No. 350. 1471. 8. Apr.

Burgermeister und Rath übernehmen nach Berathung mit den Aeltesten und mit Genehmigung der geschwornen Handwerksmeister und der Gemeindevertreter die Verwaltung der von Boto von Carlowitz auf Hosterwitz gestifteten Spende an arme Leute.

In dem namen des herren amen. Vff das die geschicht, die zcu eren des almechtigen gots vnd zcu gedechnis des lydens vnnsers lieben herren Jhesu Christi lobelich gescheen seyn, sterglich bevestent werden, so ist es nucze, das sie von der menschen vorgessenheit wegen briefflich vnd schriftlich zcu ewiger werunge werden bestetiget. Hiruon so bekenne wir Johannis Franck burgermeister, Niclas Schonerst, Johannis Scheyringer, Merten Fuger, Lorenz Bußman, Hanns Brusser, Claus von Cziel, Lorenz Weczel, Johannis apteker vnd Hanns Leheman gesworne ratmanne der stat Dresden vor vns vnd alle vnnsere nochkomelinge vnd thun kunt offntlichen mit disem brieffe vor allen, die en sehen horen ader lesen, das wir mit ynrate vnnsere eldisten also Lucas Veisten, Vincentio Romichens, Lorenz Vogels, Hanns Petczolds, meister Laurentio Misseners, Nickel Pfiels, Wenczel Goltsmids, Martinen Vetten, Johannis Kegsteins, Johannis Beners, Nickel Seidels, Caspar Rasts, Nickel Meschks, Hanns Obendes, Friderich Renczschs, Jurge Slegels, Hanns Kesteners, Nickel Petczolds, Burgkart Merewiczs vnd mit willen vnd volworte vnnsere gesworne hantwergkmeister vnd gemeyne, nemlichen Hans Otten, Hanns Kempniczs, Pauwel Jheners, Nickel Kunats der tuchmecher, Nickel Snabels, Hanns Czeiseners, Andres Krusings, Hanns Groen der schuster, Hanns Wurrers, Lorenz Bornnchens der snider, Merten Sommerfelds, Nickel Rabensteins der smide, Nickel Zeibits, Cristel Kursseners der kurssener, Valten Babests, Donat Grupiczs der bottener, Peter Ranischs, Jurge Legers der fleischer, Hanns Puchels, Hanns Smids der becker, Hanns Czuczschks, Nickel Slegels, Bastian Mollers, Niclas Kokericzs, Hanns Sperbers, Hanns Musentopfs, Jurge Brusers, Lenhart Jostels, Bernhart Breiden, Jurge Strubings, Caspar Hanczschs vß der gemeyne recht vnd redelichen zcu cynem ewigen testament vnd selegerethe